



სსიპ საქართველოს ტექნიკური უნივერსიტეტის
წარმომადგენლობითი საბჭო (სენატი)

დადგენილება № 01-06-02/06

ქ. თბილისი

22 თებერვალი 2019

საქართველოს ტექნიკური უნივერსიტეტისა და ფაკულტეტის მართვის ორგანოების (მმართველი სუბიექტების) არჩევნების ჩატარების შესახებ დებულებაში ცვლილებების შეტანის შესახებ

„უმაღლესი განათლების შესახებ“ საქართველოს კანონის მე-18 მუხლის პირველი პუნქტის „ნ“ ქვეპუნქტის, საქართველოს ზოგადი ადმინისტრაციული კოდექსის 63-ე მუხლის, „საჯარო სამართლის იურიდიული პირის - საქართველოს ტექნიკური უნივერსიტეტის წესდების დამტკიცების შესახებ“ საქართველოს განათლებისა და მეცნიერების მინისტრის 2013 წლის 9 სექტემბრის №133 ბრძანებით დამტკიცებული უნივერსიტეტის წესდების მე-5 მუხლის მე-3 პუნქტის, სტუ-ის აკადემიური საბჭოს 2019 წლის 13 თებერვლის №01-05-04/36 დადგენილებისა და წარმომადგენლობითი საბჭოს (სენატი) 2019 წლის 22 თებერვლის №01-06-02/02 ოქმის საფუძველზე საქართველოს ტექნიკური უნივერსიტეტის წარმომადგენლობითმა საბჭომ (სენატი) დაადგინა:

1. „საქართველოს ტექნიკური უნივერსიტეტისა და ფაკულტეტის მართვის ორგანოების (მმართველი სუბიექტების) არჩევნების ჩატარების შესახებ“ საქართველოს ტექნიკური უნივერსიტეტის წარმომადგენლობითი საბჭოს (სენატის) 2014 წლის 29 იანვრის №46 სხდომის №1 გადაწყვეტილებით დამტკიცებულ დებულებაში შეტანილ იქნეს შემდეგი ცვლილებები:
 - ა) მე-2 მუხლის მე-3-6 პუნქტები ჩამოყალიბდეს შემდეგი რედაქციით:
3. უნივერსიტეტის აკადემიურ საბჭოში თითოეულ ფაკულტეტს ჰყავს ორი წარმომადგენელი. აკადემიური საბჭოს წევრად აირჩევა პროფესორი ან ასოცირებული პროფესორი. აკადემიურ საბჭოში თითოეულ დამოუკიდებელ სამეცნიერო-კვლევით ერთეულს (გარდა ფაკულტეტის დამოუკიდებელი სამეცნიერო-კვლევითი ერთეულისა) შეიძლება ჰყავდეს ერთი წარმომადგენელი. აკადემიურ საბჭოს წევრად აირჩევა ამ ერთეულის მთავარი მეცნიერი თანამშრომელი, საბჭოს თავმჯდომარისა და დირექტორის გარდა.
4. აკადემიური საბჭოს წევრებს ფაკულტეტიდან ირჩევა შესაბამისი ფაკულტეტის აკადემიური პერსონალის ყველა წევრი და ფაკულტეტის საბჭოს წევრ-სტუდენტთა თვითმმართველობის წარმომადგენლები, დამოუკიდებელი სამეცნიერო-კვლევითი ერთეულიდან – შესაბამისი ერთეულის

სამეცნიერო საბჭოს წევრები, ამ დებულების 44-ე მუხლის მე-4 პუნქტით გათვალისწინებულ შემთხვევაში კი – შესაბამისი ერთეულის სამეცნიერო პერსონალის ყველა წევრი.

5. წარმომადგენლობითი საბჭო (სენატი) აირჩევა უნივერსიტეტის ფაკულტეტებიდან წარმომადგენლობის საფუძველზე სტუდენტებისა და აკადემიური პერსონალის მიერ ცალ-ცალკე, ფაკულტეტებზე მათი რაოდენობის პროპორციულად, ხოლო დამოუკიდებელი სამეცნიერო-კვლევითი ერთეულიდან (გარდა ფაკულტეტის დამოუკიდებელი სამეცნიერო-კვლევითი ერთეულისა) – სამეცნიერო პერსონალის ორი წარმომადგენელი. წარმომადგენლობითი საბჭოს (სენატის) შემადგენლობა განისაზღვრება აკადემიური საბჭოს შემადგენლობის არანაკლებ ორმაგი ოდენობით. სტუდენტები შეადგენენ წარმომადგენლობითი საბჭოს (სენატის) სრული შემადგენლობის ერთ მესამედს. სტუდენტთა რაოდენობის დასადგენად დამრგვალება ხდება სტუდენტთა სასარგებლოდ. წარმომადგენლობით საბჭოში (სენატში) ფაკულტეტებიდან აკადემიური პერსონალისა და სტუდენტთა წარმომადგენლობის კვოტას აკადემიური საბჭო ადგენს.
6. წარმომადგენლობით საბჭოში (სენატში) ფაკულტეტის აკადემიური პერსონალის წარმომადგენლებს ირჩევს შესაბამისი ფაკულტეტის აკადემიური პერსონალის ყველა წევრი, ხოლო სტუდენტების წარმომადგენლებს – ფაკულტეტის ყველა სტუდენტი, მათ შორის დოქტორანტი. ასისტენტი არჩევნებში მონაწილეობს, როგორც სტუდენტი. ამასთან, იგი უფლებამოსილია, საკუთარი სურვილით, მონაწილეობა მიიღოს, შესაბამისად, აკადემიური პერსონალის ან სტუდენტთა წარმომადგენლების არჩევაში, რისთვისაც ვალდებულია გაიაროს რეგისტრაცია ამომრჩეველთა შესაბამის სიაში, ამ დებულების 31-ე მუხლის მე-5 პუნქტით დადგენილი წესით. წარმომადგენლობით საბჭოში (სენატში) დამოუკიდებელი სამეცნიერო-კვლევითი ერთეულის წარმომადგენლებს ირჩევს შესაბამისი ერთეულის სამეცნიერო პერსონალის ყველა წევრი.“

ბ) დებულებას დაემატოს შემდეგი შინაარსის 6¹ მუხლი:

„6¹ მუხლი. დამოუკიდებელი სამეცნიერო-კვლევითი ერთეულის საარჩევნო კომისია

1. უნივერსიტეტის მართვის ორგანოებში წარმომადგენლების ასარჩევად შესაბამისი ერთეულის სამეცნიერო საბჭოს მიერ იქმნება სამეცნიერო-კვლევითი ერთეულის საარჩევნო კომისია.
2. საარჩევნო კომისია შედგება არანაკლებ 5 წევრისგან, სამეცნიერო საბჭოს მიერ შერჩეული სამეცნიერო-კვლევითი ერთეულის სამეცნიერო და დამხმარე პერსონალის წარმომადგენლებისაგან.
3. სამეცნიერო საბჭო საარჩევნო კომისიის შემადგენლობაში წარმომადგენლებს ამტკიცებს ღია კენჭისყრის წესით, დამსწრე წევრთა ხმების უმრავლესობით.
4. საარჩევნო კომისია პირველ სხდომაზე, ღია კენჭისყრით, სიითი შემადგენლობის უმრავლესობით, კომისიის წევრთაგან ირჩევს კომისიის თავმჯდომარეს და მდივანს.
5. საარჩევნო კომისია ანგარიშვალდებულია სამეცნიერო საბჭოს წინაშე.
6. საარჩევნო კომისიის უფლებამოსილების ვადა განისაზღვრება სამეცნიერო საბჭოს შესაბამისი გადაწყვეტილებით.“

გ) მე-7 მუხლის:

გ. ა) პირველი პუნქტი ჩამოყალიბდეს შემდეგი რედაქციით:

„1. უნივერსიტეტის/ფაკულტეტის/დამოუკიდებელი სამეცნიერო-კვლევითი ერთეულის საარჩევნო კომისია (შემდგომში „საარჩევნო კომისია“) უფლებამოსილია:

- ა) მიიღოს ყველა გადაწყვეტილება არჩევნების საორგანიზაციო საკითხებთან დაკავშირებით თუ ამ დებულებით სხვა რამ არ არის გათვალისწინებული;

ბ) მიიღოს გადაწყვეტილება ამ დებულებით გათვალისწინებულ მის კომპეტენციაში შემავალ სხვა საკითხებზე.“

გ.ბ) მე-7 პუნქტი ჩამოყალიბდეს შემდეგი რედაქციით:

„7. საარჩევნო კომისიის თავმჯდომარე, მდივანი და კომისიის წევრები ამ დებულებით განსაზღვრული ფუნქციების შესრულებისათვის უნივერსიტეტის/ ფაკულტეტის/დამოუკიდებელი სამეცნიერო-კვლევითი ერთეულის ბიუჯეტიდან შეიძლება იღებდნენ ერთჯერად ანაზღაურებას.“

დ) მე-10 მუხლის:

დ.ა) პირველი და მე-2 პუნქტები ჩამოყალიბდეს შემდეგი რედაქციით:

„1. აკადემიური საბჭოს არჩევნებში ამომრჩეველთა რეგისტრაციის წესს განსაზღვრავს ფაკულტეტის/დამოუკიდებელი სამეცნიერო-კვლევითი ერთეულის საარჩევნო კომისია.

2. აკადემიურ საბჭოში ასარჩევ კანდიდატთა რეგისტრაციას ახორციელებს ფაკულტეტის/დამოუკიდებელი სამეცნიერო-კვლევითი ერთეულის საარჩევნო კომისია.“

დ.ბ) მე-6 პუნქტი ჩამოყალიბდეს შემდეგი რედაქციით:

„6. კანდიდატი უფლებამოსილია, რეგისტრაციაზე უარი გაასაჩივროს ფაკულტეტის/დამოუკიდებელი სამეცნიერო-კვლევითი ერთეულის საარჩევნო კომისიაში 1 დღის განმავლობაში. საჩივართან დაკავშირებულ გადაწყვეტილებას ფაკულტეტის/დამოუკიდებელი სამეცნიერო-კვლევითი ერთეულის საარჩევნო კომისია იღებს 2 დღის განმავლობაში.“

ე) დებულების მე-11 მუხლის მე-5 პუნქტი ამოღებულ იქნეს.

ვ) მე-13 მუხლის:

ვ.ა) პირველი და მე-2 პუნქტები ჩამოყალიბდეს შემდეგი რედაქციით:

„1. აკადემიური საბჭოს არჩევნებში ამომრჩეველთა რეგისტრაციის წესს განსაზღვრავს ფაკულტეტის/დამოუკიდებელი სამეცნიერო-კვლევითი ერთეულის საარჩევნო კომისია.

2. აკადემიურ საბჭოში ასარჩევ კანდიდატთა რეგისტრაციას ახორციელებს ფაკულტეტის/დამოუკიდებელი სამეცნიერო-კვლევითი ერთეულის საარჩევნო კომისია.“

ვ.ბ) მე-6 პუნქტი ჩამოყალიბდეს შემდეგი რედაქციით:

„6. კანდიდატი უფლებამოსილია, რეგისტრაციაზე უარი გაასაჩივროს ფაკულტეტის/დამოუკიდებელი სამეცნიერო-კვლევითი ერთეულის საარჩევნო კომისიაში 1 დღის განმავლობაში. საჩივართან დაკავშირებულ გადაწყვეტილებას ფაკულტეტის/დამოუკიდებელი სამეცნიერო-კვლევითი ერთეულის საარჩევნო კომისია იღებს 2 დღის განმავლობაში.“

ზ) 31-ე მუხლის:

ზ.ა) მე-2 პუნქტი ჩამოყალიბდეს შემდეგი რედაქციით:

„2. აკადემიური, სამეცნიერო პერსონალისა და სტუდენტთა სიები დგება ცალ-ცალკე.“

ზ.ბ) მე-4 პუნქტი ჩამოყალიბდეს შემდეგი რედაქციით:

„4. უნივერსიტეტის აკადემიური პერსონალის ამომრჩეველთა სიებში შეჰყავთ მოცემული ფაკულტეტის ყველა პროფესორი, აკადემიურ საბჭოში წარმომადგენლის არჩევისას დამოუკიდებელი სამეცნიერო-კვლევითი ერთეულის სამეცნიერო პერსონალის ამომრჩეველთა სიებში – შესაბამისი ერთეულის მთავარი მეცნიერი თანამშრომლები, ხოლო წარმომადგენლობით საბჭოში (სენატში) წარმომადგენლების არჩევისას და ასევე ამ დებულების 44-ე მუხლის მე-4 პუნქტით გათვალისწინებულ შემთხვევაში – სამეცნიერო პერსონალის ყველა წევრი.“

თ) 35-ე მუხლის პირველი პუნქტი ჩამოყალიბდეს შემდეგი რედაქციით:

„1. უნივერსიტეტის ადმინისტრაცია არჩევნების ჩასატარებლად საარჩევნო კომისიებს უზრუნველყოფს გამჭვირვალე საარჩევნო ყუთებით. თითოეული ფაკულტეტის საარჩევნო კომისიას გადაეცემა 2 საარჩევნო ყუთი - აკადემიური პერსონალისა და სტუდენტთა წარმომადგენლებისათვის, ხოლო უნივერსიტეტისა და დამოუკიდებელი სამეცნიერო-კვლევითი ერთეულის საარჩევნო კომისიებს 1 ყუთი.“

ი) 36-ე მუხლის პირველი პუნქტი ჩამოყალიბდეს შემდეგი რედაქციით:

„1. უნივერსიტეტის ადმინისტრაცია არჩევნების ჩასატარებლად საარჩევნო კომისიებს უზრუნველყოფს აპარატურული და პროგრამული საშუალებებით. თითოეული ფაკულტეტის/დამოუკიდებელი სამეცნიერო-კვლევითი ერთეულის საარჩევნო კომისიას გადაეცემა 1 რეგისტრაციის (კომპლექტი მოიცავს: პერსონალურ კომპიუტერს, დაქტილოსკოპიურ სკანერს და უწყვეტი კვების წყაროს) და 1 ხმის მიცემის ტერმინალი (კომპლექტი მოიცავს: პერსონალური კომპიუტერის სისტემურ ბლოკს, სენსორულ მონიტორს და უწყვეტი კვების წყაროს) მათში ჩატვირთული პროგრამული უზრუნველყოფით.“

კ) 37-ე მუხლის მე-2 და მე-3 პუნქტები ჩამოყალიბდეს შემდეგი რედაქციით:

„2. უნივერსიტეტის/ფაკულტეტის/დამოუკიდებელი სამეცნიერო-კვლევითი ერთეულის ადმინისტრაცია უზრუნველყოფს საარჩევნო კომისიისათვის შესაბამისი ოთახის გამოყოფასა და სათანადო მოწყობას.

3. უნივერსიტეტის/ფაკულტეტის/დამოუკიდებელი სამეცნიერო-კვლევითი ერთეულის ადმინისტრაცია საარჩევნო კომისიას უზრუნველყოფს სათანადო ბეჭდით.“

ლ) 38-ე მუხლის მე-2 და მე-3 პუნქტები ჩამოყალიბდეს შემდეგი რედაქციით:

„2. უნივერსიტეტის/ფაკულტეტის/დამოუკიდებელი სამეცნიერო-კვლევითი ერთეულის ადმინისტრაცია უზრუნველყოფს საარჩევნო კომისიისათვის შესაბამისი ოთახის გამოყოფასა და სათანადო მოწყობას.

3. უნივერსიტეტის/ფაკულტეტის/დამოუკიდებელი სამეცნიერო-კვლევითი ერთეულის ადმინისტრაცია საარჩევნო კომისიას უზრუნველყოფს სათანადო ბეჭდით.“

მ) 42-ე მუხლის:

მ.ა) მე-2 და მე-3 პუნქტები ჩამოყალიბდეს შემდეგი რედაქციით:

„2. კენჭისყრის დასრულების შემდეგ საარჩევნო კომისიის წევრები დაითვლიან საარჩევნო სიებში ხელმოწერების მიხედვით არჩევნებზე გამოცხადებულ ამომრჩეველთა რაოდენობას

აკადემიური/სამეცნიერო პერსონალისა და სტუდენტებისათვის ცალ-ცალკე, რაც ფიქსირდება შესაბამის შემაჯამებელ ოქმში, რომელშიც აისახება არჩევნებში მონაწილე ყველა კანდიდატის მიერ მიღებული ხმების რაოდენობა.

3. არჩევნები ჩატარებულად დაითვლება, თუ გამოცხადდა აკადემიური/სამეცნიერო პერსონალის საარჩევნო სიაში შეყვანილ ამომრჩეველთა რაოდენობის ნახევარზე მეტი და სტუდენტთა საარჩევნო სიაში შეყვანილ ამომრჩეველთა რაოდენობის მესამედზე მეტი. გადაწყვეტილება არჩევნების ჩატარებულად ჩათვლის შესახებ აკადემიური/სამეცნიერო პერსონალისა და სტუდენტებისათვის მიიღება ცალ-ცალკე.“

მ.ბ) მე-7 პუნქტი ჩამოყალიბდეს შემდეგი რედაქციით:

- „7. ფაკულტეტიდან/დამოუკიდებელი სამეცნიერო-კვლევითი ერთეულიდან აკადემიურ საბჭოსა და წარმომადგენლობით საბჭოში (სენატში) არჩეულად ითვლება საუკეთესო შედეგების მქონე იმდენი კანდიდატი (კანდიდატები), რამდენ ვაკანტურ ადგილზეც დაინიშნა არჩევნები.“

მ.გ) მე-9 პუნქტი ჩამოყალიბდეს შემდეგი რედაქციით:

- „9. უნივერსიტეტის საარჩევნო კომისიის სრული დოკუმენტაცია და ბეჭედი არჩევნების შედეგების კანონიერ ძალაში შესვლის შემდეგ, შესანახად გადაეცემა უნივერსიტეტის არქივს, ხოლო ფაკულტეტის/დამოუკიდებელი სამეცნიერო-კვლევითი ერთეულის საარჩევნო კომისიის დოკუმენტაცია და ბეჭედი – შესაბამისი ფაკულტეტის/დამოუკიდებელი სამეცნიერო-კვლევითი ერთეულის არქივს.“

ნ) 43-ე მუხლის:

ნ.ა) მე-5 პუნქტი ჩამოყალიბდეს შემდეგი რედაქციით:

- „5. ფაკულტეტიდან/დამოუკიდებელი სამეცნიერო-კვლევითი ერთეულიდან აკადემიურ საბჭოსა და წარმომადგენლობით საბჭოში (სენატში) არჩეულად ითვლება საუკეთესო შედეგის მქონე იმდენი კანდიდატი (კანდიდატები), რამდენ ვაკანტურ ადგილზეც დაინიშნა არჩევნები.“

ნ.ბ) მე-8 პუნქტი ჩამოყალიბდეს შემდეგი რედაქციით:

- „8. უნივერსიტეტის საარჩევნო კომისიის საკონტროლო პროცედურის ოქმი, შემაჯამებელი ოქმი, არქივი მყარ მატარებელზე და ბეჭედი არჩევნების შედეგების კანონიერ ძალაში შესვლის შემდეგ შესანახად გადაეცემა უნივერსიტეტის არქივს, ხოლო ფაკულტეტის/დამოუკიდებელი სამეცნიერო-კვლევითი ერთეულის საარჩევნო კომისიის დოკუმენტაცია და ბეჭედი – შესაბამისი ფაკულტეტის/დამოუკიდებელი სამეცნიერო-კვლევითი ერთეულის არქივს.“

ო) 44-ე მუხლს დაემატოს შემდეგი შინაარსის მე-4 პუნქტი:

- „4. აკადემიურ საბჭოში დამოუკიდებელი სამეცნიერო-კვლევითი ერთეულიდან ასარჩევი კანდიდატის განმეორებით (ხელახალ) არჩევნებში მონაწილეობს შესაბამისი ერთეულის სამეცნიერო პერსონალის ყველა წევრი.“

2. ეს დადგენილება დადგენილება შეიძლება გასაჩივრდეს გამოქვეყნებიდან 1 (ერთი) თვის ვადაში თბილისის საქალაქო სასამართლოში (მდებარე: ქ. თბილისი, დავით აღმაშენებლის ხეივანი, მე-12 კმ, №6).

3. ეს დადგენილება ამოქმედდეს გამოქვეყნებისთანავე, გარდა იმ ნორმებისა, რომლებიც ითვალისწინებს უნივერსიტეტის წარმომადგენლობით საბჭოში (სენატში) უნივერსიტეტის დამოუკიდებელი სამეცნიერო-კვლევითი ერთეულებიდან წარმომადგენლების არჩევის რეგულაციებს. აღნიშნული ნორმები ამოქმედდეს უნივერსიტეტის წესდებაში შესაბამისი ცვლილებების შეტანის შესახებ საქართველოს განათლებისა და მეცნიერების მინისტრის ბრძანების ამოქმედებისთანავე.

სტუ-ის წარმომადგენლობითი საბჭოს (სენატი)

სპიკერი, პროფესორი



ჯემალ გახოკიძე